



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Caput X. Solonis versus, quo se ajebat semper aliquid addiscentem
senescere, & quid de senili studio Plato senserit?

urn:nbn:de:hbz:466:1-13245

quod publici multarum civitatum redditus e metallis caperentur: ut olim apud Athenienses, teste Aristophane in *Vespis* in hac enumeratione,

Προταρεῖα μέταλλ' ἀγορὰς, λιμένας, μισθὸς, καὶ δημιόπες α.
Τούτων πλήσια, τάλαντ' ἐγὼ διχίλια γίνεται ήμιν.

CAPUT. X.

Solonis *versus* quo se ajebat semper aliquid addiscen-
tem senescere, & quid de senili studio Plato sen-
serit.

Snteralia commendata in Solonis elegis, hic
versus in primis fertur,

Ἄτει γηράσκω πολλὰ διδασκόμενος.

Quo significabat senescere se multa in dies
addiscensem: ita enim Cicero in Dialogo de
Senectute hunc versiculum interpretatur. censetque plane
juxta hanc sententiam, manere ingenia senibus, modo per-
maneat studium & industria. Proponit etiam hoc dictum
Plato in eo dialogo, qui inscribitur *Laches*: Εἰς τὸν ἔπειτα
Σίου προμηθέερον ἀνάγκη εἶναι τὸν ταῦτα μὴ φεύγοντα, αλλ᾽
ἴθελοντα κατὰ τὸ Σόλωνος, καὶ αξιοῦντα μανθάνειν, ἐωσπερ
ἄν ζῆ, καὶ μὴ διόμενον ἀντῷ τὸ γῆρας νοῦν ἔχον προστίεναι.
Quibus verbis hujus Solonis propositi rationem reddit: nem-
pe ideo semper esse discendum, studendumque, quandiu
vivimus, quia Senectus mentem secum non affert homi-
bus, sed potius aufert. Quo & illud Poëtæ, pertinet:

Omnia fert atas, animum quoque.

Statim quippe memoriam, maxime necessarium discenti-
bus bonum labefactat, atque ita oblivionem inducit, ad-
versus quam studio & industria pugnandum est. Ceterum

idem Plato lib. 7. Πολιτειῶν, hoc dictum Solonis improbat, quo multa senescentem se addiscere autumat: neque minus absurdum id judicat, ac si quis opinetur aliquem, qui bene poterat currere in ætate florenti, eandem retinere in senectute velocitatem pedum, & non minus aptum esse ad cursum. Quam facultatem una cum aliis corporis dotibus minui, ævo atteri ac languere palam est. Atque minus adhuc idoneum esse senem putandum est ad multa animo per disciplinam consequenda. Labore enim improbo opus est ei, qui multa addiscere velit. Itaque nominatim Solonem ibi ob hanc opinionem perstringit, his scilicet verbis: Σόλωνι γὰρ οὐ πεισέον, ὡς γηράσκων οὐ πολλὰ δυνατὸς μανθάνειν, ἀλλ' ἦτορ ητέρχειν νέων δὲ πάντες οἱ μεγάλοι καὶ οἱ πολλοὶ πόνοι. i. Neque enim audiendus Solon, quod quis senescens multa valeat discere; immo minus hoc, quam multum currere. Juvenum autem sunt magni omnes & multi labores.

CAPUT XI.

Vetus proverbium ex verbis Aristotelis erutum.

Nota est omnibus præfatio *Aristotelis* in primo *Moralium ad Nicomachum* cap. 9. nempe haud proclivem sibi, aut lætam esse disputationem contra ideas, quas viri amici defendant: & tamen hanc esse suscipiendam veritatis cauſa: Αἱ μῆφοιν γὰρ οὐτοιν φίλοιν, δοξον προτιμᾶν τὴν ἀληθειαν. Cum enim ambo amici sunt: sanctius tamen est veritatem preferre. His verbis ajo subesse allusionem ad vetus adagium, quod exstat apud *Athenæum* lib. 5. cap. 107. Ibi nescio quis de Athenione Philosopho Peripatetico, illo qui tyrannidem Athenis usurpavit, dicturus quædam parum illi honorifi-